

VIRGO
ROMIGERIA,
SEV
MANVASCENSIS.

AVTHORE


R. P. IOANNE COLVMBI,
MANVASCENSI,

E' SOCIETATE IESV
S. Theologic Professore.



LVGDVNI,
Ex Typographia IACOBI CANIER,
In vico Mercatorio.

M. DC. LI.
Cum Approbationibus Doctorum, & Privilegio.





Reuerendo admodum & clarissimo D.

DOMINO

IACOBO REBVTI

I. V. D.

*HOSPITALARIO S. VICTORIS
ad Mafsiliam, & priori S. Maria Manuasc.*

IOANNES COLUMBI è Soc. IESV.



VÆ duæ res olim
fecerunt, vt scri-
berem & ad te de-
ferrem scripta de
Virgine Romige-
ria, patriæ meique
adeò antiqua tute-

la quam ea gerit, & templum ipsius
cui tu accurata pietate præes, illæ duæ

res nunc etiam faciunt vt lucubra-
tiūculam, cuius nulla ampliùs exem-
plaria prostant, emittam in lucem
iterum tuo sub nomine. Scilicet ab
ultima memoria nostram urbem
Maria peruigil custos habet: teſta,
familias, corpora ſingulorum ſollicita
ſuſtentat. Quam ciuitatem tota Pro-
uincia, quem locum tam citò amauit
poſt religionem Chriſti publicitus ac-
ceptam, vt ante mille annos teneret
ſanctiſſimo ſigno? quem tanta fide
dilexit, vt ex quo per inſigne ſimula-
crum inſedit, muniret vi ſua, & ad
noſtra uſque tempora perpetuis ſu-
pra naturæ vires operibus auge-
ret? Parum ei ſemper fuit corporibus
morbos depellere: mœrore ani-
mos & ægitudine liberare conſueuit,
etiam mortuis infantibus vitam red-

dere, dum aqua lustrarentur. Quando aliud non possum, ut pro mea virili gratiam habeam, dico quæ illa sit, quàm præsentem & bonam se præbeat nostris gentilibus, quibus prodigiis maiores nostros adegerit ad spem opis ab ea. Cui verò deferam potius hoc opusculum, Virgini munus, quàm tibi, qui seruas ædem Mariæ, curas imaginem, cultum dispensas? Per illum virum ei repræsentari debuit, cuius labore studioque fit, ut suam vim & benignitatem repræsentare nobis perennet. Neque ingratum puto erit tibi, quod ab viro amico & populari proficiscitur. Libellum etiam exiguum mole, materia sacrum amabis pro tua modestia & pietate, aliisque virtutibus non Manusca solum vrbe notissimis; sed Sanuictoriano quoque

ad Mafsiliam monafterio venerandis.
Ita quippe agis Hospitalarium in
antiquiffimis vniuerfa Gallia & ce-
leberrimis monachorum ædibus , vt
nihil debens prifcis illis de Caffiani
veftri institutione cœnobitis , & ve-
rum Ifarni difcipulum repræfentes.

AVTHOR

A V T H O R L E C T O R I S V O.



IN ISAM literis omnibus, notissimam ciuibus meis Virginem Romigeriam educo primus in lucem, proponoque spectandam. Quid miraris, mi Lector? Ante mille annos per prodigiorum ingentem vim amore sui populum Manuscensem, & fauore detinuit:

visum est mihi non ultra ferendum, ut ad externos non dimanet tanta seu bonitas, seu maiestas. Neque verò tamen idcirco popularibus meis ego magis, aut in *MARIAM* gratus, aut in alios aequus. Quod ceteri hactenus tacuerunt, fuit magna pietatis: quòd non possum ipse non dicere, summi est officij. Mei gentiles, qui Manuscam urbem habent, magnis religionibus, & quotidiana veneratione responent beneficiis optima parentis: ego, quem aliò mea vite rationes à puero abduxerunt, ut aliquam habeam gratiam, stylo sequar absens necesse est, cùm oculis, manu, totoque corpore nequeam presens colere. Et putabam esse diuini, seu moris, seu consilij, quòd de tantis prodigiis primum scribitur post multa sacula. Quae ubique gentium, & locorum

locorum vulgatissima nunc vides, olim diu fuerunt ignota,
 & primum aliquando denique prodierunt. Quàm multos
 centenos annos latuerat MARIA Lauretana, quàm mul-
 tos Aniciensis? Quid mage patet in vulgus Iacobo Com-
 postellano? Eum plurima secula nescierunt. Magdalenam
 vnus aliquis tota Prouincia nostra vulgauit, & Annam,
 post innumeros latebrarum annos, atque silentij. Sic etiam
 natura, naturaque ars amula plurimum condit, quod edu-
 cere amat, & in altum euehere. Quæ de semine surgunt im-
 mensæ arbores, radices alta humo longum fixere; fundamen-
 ta prius tellure iacent sepulta, quàm sese aperiat, efferatque
 domus: vrbes etiam amplissimæ, & clarissimi populi tacitis
 promanarunt initiis. Vt cunque tamen hac habeant, certè id
 asseuero, nihil, si qua mortalium est fides, sanctum magis
 hac mea Virgine, verumque edi posse. Quæ de signo M A-
 R I Æ. prodigiisque refero, accepi ex publicis tabulis, quas
 Tossanctius Glandeuensis Sistaricensis Episcopus confici
 iussit, auditis ab Officiali post sacramentum viris grauib.
 & probis. Non pauca addidi super Manuasca vrbe: quid
 enim abs me taceatur, quam MARIA tot linguis loqui-
 tur, quot miraculis auget? Ea ipse collegi ex eius chartis
 fidelibus & sinceris. Chartularium publicum (instructum
 illud est ac nobile) aperuerunt Paulus Colongue, Ioannes
 Baptista Gougoni, & Antonius Porcin Consules. Denique
 Sanuictoriani ad Massiliam ciuitatem monasterij decora
 nonnulla attuli; eius cœnobita habent, curantque templum
 Virginis Manuascensis: omnia de tabulario, seu Sanmaria-
 no Manuasca, seu Sanuictoriano ad Massiliam retulit Ia-
 cobus Rebuti, Hospitalarius S. Victoris, & Prior S. Maria.



VIRGO
ROMIGERIA,
S E V
MANVASCENSIS.



ANVASCA est vrbs
Prouinciæ non procul
Druentia fluuio , sedes
olim hyberna Comitum
ab Rhodano per Aptam
Iuliam, & Sistaricum ciui-
tates ad Vapincenses , &
Ebredunenses, quos ditio-
ne tenebant, latissimè do-
minantium : sexto lapide

ab Forcalquerio eorundem Principum æstiuæ domo,
fontèque gètilitij nominis. Amœnis montibus cingi-
tur omni parte, si meridiè excipias: nam quæ planities
ex eorum radicibus surgit in hemicyclum aperit sese,

ac longè funditur versùs meridianam plagam. Ipsa de tumulto molliter erecto media surgit , aut circà montibus se visendam præbens, aut campos latè subiectos visura. Vrbs non omninò modica numerat familias supra mille , fontibus, plateis, regionum situ comoda , & non inelegans. Minor olim erat , & minùs concinna : suam amplitudinem & speciem accepit ab centenis aliquot annis , cùm pagani, quibus vici-
 tim per agrum habitantibus dominabatur, in ipsam
 , immigrarunt. Ventorum omnium pagus erat ad Oc-
 cidentem in cognomine monte , fanum Martini ad
 Orientem in monte aureo , fanum Petri ad meridiem
 in planitie. Sunt qui addant , sed incerto authore,
 castrum Montis acuti , quà colles ad Septentrionem
 ferunt ab Oriente. Inuenio pagum de omnibus ventis
 stetisse vltra annum quinquagesimum supra millesi-
 mum ducentesimum : duo alij vigeabant anno tertio
 & nonagesimo illius sæculi, quo patritij cum plebe
 conuenerunt Rainaudi, Fontiani, Gaufridi, Monlau-
 rij, Trimondi, Aicardi, Ricani, Portales, Hospita-
 larij, Falcones : quibus (scilicet incerta cùm forent,
 neque fida satis pacta) sese nono pòst & vigesimo
 anno addiderunt Selonij, Monbrunij, Barralij, Ro-
 stagnij. Fuerintne tum vel in vrbe , vel per agrum in
 pagis, neque ad cæteros sese adiunxerint Crucij, Si-
 miani, Saffalini, Guasquij, Iustacij, Piollæ, Redor-
 terij, Rainerij, Textores, Clementes, Boneti, quos
 fideles chartæ sequentibus sæculis floruisse testantur,
 quis asserat ? De tam multis procerum familiis pauca
 nunc

nunc seruant suum nomen ; cæteræ vel omninò perierunt , vel degeneri sobole ad plebeium ordinem reductæ sunt. Quid enim non mutat ætas inuida ? Ciuitatibus , populis , regnis quoque & imperiis finem inuenit. Quæ causæ paganos coëgerint in urbem , melaser : ea in pyri figuram collecta spectat quatuor mundi plagas totidem portis. Quæ ab aurora dicitur , ducit ad montem miræ fœcunditatis , aureumque adeò vocant : nullum enim fermè est arborum , fruticumve , aut herbarum tota Prouincia genus , quod abundè non ferat. Suppares causæ fecerunt , vt Aurelianenses valli dederint nomen Aureæ. Audi Papi-rium Massonum in Ligeri : *Appellatur Floriacus Vallis aurea ab Aimoino , inscriptione quæ in templo monasterij sculpta est ,* HÆC EST VALLIS AVREA , *opinor ob omnium rerum affluentem copiam.* Montem frumento , vitibus , oleis passim consitum videas. Et porrò vnum habet ad laudem præcipuam singulare. Cùm per vniuersum orbem montes vetustate succum amittant adipemque , iuuenescit ipse in dies , & ab torrentibus aquis pluuiis renouatur , quæ sterilitatem cæteroqui solent inducere , aliò deportata pinguedine. Scilicet quò fodis altius , eò spectabilis mage , ac diues humus occurrit inexhausta bonitate , fontis ad instar , cuius aquæ nusquam sunt puriores , quàm in terræ imis visceribus. Quà ab Oriente decliuis resupinatur in Septentrionem , habet siluam roboream. Cæteros colles fere tenent vineta & oliueta : vnus est ille quidem incultior , & ab vrbe longiùs pudore recessit ; sed vsu &

opportunitate non inferior cæteris : dat ciuibus lapidem, gypsum, carbonem, lignum ; gregibus quoque, & armentis pascua. Planities tota nitet frumento, & amygdalo ; nisi quòd ad vrbs muros hortis distinguitur, & passim deinceps magnam partem pratis virefcit per centenos aliquot passus. Igitur non plurima tantum nobilitas amœnitatē locorum adducta colere Manuascam amauit ante quadringentos etiam annos, vt suprà retuli ; sed per luem, bellàque senatus Aque-
 nis sæpissime habuit ; & nondum constituto senatu regium, quod vocabatur, conciliu, vt docent veræ tabulæ supra cc. annos conscriptæ. Ipsaque vrbs contrà tanti honoris conscia, regi, curiæque fida semper fuit vltra omnem sæculorum memoriam, cùm infida quoque fœdera Prouinciam totam diuisere in duas partes : nulloque vnquam tumultu, turbis nullis adduci potuit, vt aduersaretur suis principibus.

5 Neque in Deum minùs piam certo cultu se præbuit : omnino tam frequentes posuit Cœlitibus sedes, vt vnum tota ipsa fanum ab omni memoria fuisse videatur. Sunt intra muros vrbs dux parœciæ, altera ab Salvatore, ab Virgine altera nomen habet ; atque præterea Franciscanorum, qui vocantur Observantes, & Carmelitarum cœnobita. Non procul parœcia Virginis templum erat apostolo Ioanni sacrum : cecidit diuturnitate temporis exesum ; neque affirmatè dicas, qua parte steterit in omni circû regione domibus præaltis & firmis plena : ita rerum faciem mutauit ætas. Ad muros intra urbem, Meridiem inter & Occiden-

rem visendum est palatium: quatuor latera angulosque plurima turris munit; fossa lata, profundaque cingebat, & fossam inter murosque turritos firmabat terra congesta, humili pariete coercita. Forcalquerienses Comites sibi sedem hybernā ex ædificauerunt: Hospitalarij equites habent ab anno millesimo ducentesimo octauo, Guilelmi comitis donum. Hi etiam nunc in sacello seruant corpus B. Gerardi. Primus is fuit magister hospitalis Hierosolymitani, vir gente, animis, sanctitate clarissimus. In agro fuere quondam plures sacræ ædes: perpetuo in circulum ordine ducebantur, vt nulla regio præfenti numine, sanctoque præstite careret. Ad Orientem mons aureus habebat templum S. Martini: & quā resupinato monte itur ad Druentiam fluuium, delubrum erat Monlorguini eidem Martino dicatum. Meridiana planities, vna penè linea surgebat tribus per ordinem ædibus, sacris Lazaro quem IESVS amauit, Christo sepulto, Petro apostolorum principi. Ad Occidentem, in collibus dictis ab omnibus ventis ob eorum liberos ex omni parte, fortisque spiritus, colebantur distinctis logis Virgo, & Iacobus frater Domini. Denique in Septentrione suas regiones habebant alius aliam Albanus martyr, Michaël archangelus, Stephanus Protomartyr, Maximus Regiensium episcopus, & Rostania virgo. Prætermitto, quòd ad omnes pene vias euntibus occurrunt vel ædiculæ, vel in columna sacræ imagines. Annon tibi videntur maiores nostri prædiis colonos è cælo petiisse, aut non rura magis sua quàm Cœlitum sedes coluisse?

Nunc vel sine nomine sunt loca, vel hiant, pendente pauci parietes semirut. Nocuere bella positis opportuno loco, nocuit tempus rerum omnium edax. Hospitalarij restituerunt Petro templum suum nobile sepulchris Forcalqueriensium comitum: ciues Virgini de omnibus ventis suum ex voto reponunt, rei seruatae per vltimam luem valetudinis. Ante annos trecentos, virgines Franciscanae, sub urbem ad meridiem, excitauerant sibi domum. Feruntur intra muros commigrasse per seditionem Raimundi de Belloforti, vicecomitem Turenium vulgò dicunt. Habebant ad portam, quae ab aurora nominatur. c. & l. sunt anni, cum vel omninò desinere, vel aliò recesserunt: res enim obscura est. Domus earum anno MD cessit in scholas vrbanas; & cum monasterij in agro sedes ad plures dominos diuisa peruenisset, ciues in coempta parte exaedificauerunt Capucinis non inuenustas aedes. Virgines de eodem Ordine iam postliminio redierunt in urbem; & post ipsas Bernardinae non ita pridem venerunt Auenione euocatae; postque Bernardinas Vrsulanæ: venient etiam propediem quæ à visitatione B. Virginis nomen habent.

- 8 Paroeciam Virginis curant monachi S. Victoris ad Massiliam. Fuerintne ad olim aedificatam vocati, an subtruxerint ipsi, quis dicat? Habent ante omnem tabularum publicarum & priuatarum memoriam. Neque id magnum est. Maximam Italiae partem, & Hispaniae, Sardiniam penè totam tequere quondam clarissimi coenobitæ: nunc etiam nulla est in Gallia.

Virgo Manuascensis.

7

Narbonensi diœcesis, quam non aliqua domo colant. Olim deminabantur quoque Castro Albienſium, & Vabrinco Ruthenorû: dedit episcopis Ioannes XXII. cùm eos ciuitatibus impoſuit. Anno mxxv. Adelaïs Princiſſæ Comitiffa iandiu Marianam ædem habentibus addidit Monlorguiam: villa eſt ad Druentiam flumen, potens diuitem gleba, & felicibus agris late fuſa. Geriberga poſt tres annos addidit duos manſos; manſus verò capit bœnnuaria ſiue iugera duodecim, vt fuſè docui i. de epiſc. Viuar. num. lrv. & ſequentibus. Ante Adelaïdem imperabant non modicæ parti vrbis: vt non ineptè dixeris Manuaſcam veniſſe feliciffima illa ætate, cùm vel Caſſianus, vel Caſſiano ſuppartes diſcipuli pietate florebant, & vigente regulari diſciplina implebant nomine ſuo totam regionem; atque pro ſanctitatis fama, venerationi erant regibus Arelatenſium & Italiæ. Rapiebantur ad pontificias, paſſim inſulas, educebantur ad populos per agrum, ciuitatèſque docendos. Supra pietatem ex Caſſiano acceptam, faciebat tum etiam ſpectandos ipſa domus Maſſilienſis: nam erat impoſita littori ſinus marini, qui præbet facilem nauigantibus portum quàm longè ad meridiem tenditur; & recentem ab Chriſti confeſſoribus, neque ita antiquam ab Magdalena ſanctitatem ſpirabat. Scilicet, egreſſa naui dedicauit hæc ſedes in antro ſaxeo, & ea mortua diſcipuli confeſſione fidei nobiles; metu tyranni clam ſub humo tenuerunt. Vterque locus hoc tempore ſacer habetur: iſtum in ædiculam conformarunt, feminis pro religione in-

accessam ; dicarunt Virgini de Confessione , sic autem appellauerunt ab sanctis iis Confessoribus fidei. Igitur arbitrabar quempiam antiquissimorum principum, de Italiæ , aut Arelatensium Regibus , pietate virorum commotum , è religiosissima domo cœnobitas deduxisse Manuascam , nonnullis regionibus vrbs & agri
 10 donatos. Iuuat, quòd ita iubentibus Petro Abbate , & Sanuictoriano Collegio, corpus S. Tulliæ in B. Virginis sepultum disquisuerunt ante multa sæcula, & diu vestigatum inuenere : Tullia verò fuit filia Eucherij Lugdunensis Archiepiscopi , ante sacerdotium patris ex matrimonio post annum quadringentesimum nata. In suo fundo, nunc modicus est pagus de ipsius nomine , ætatem exegit ex paterna disciplina in cultu pietatis, & voluit mortuæ corpus in B. Virginis Manuascensis tertio procul lapide mandari terræ. Magnam quippe veri habet similitudinem , accepisse eò loci sepultam ex domesticis commentariis, librisve funeralibus , cùm ipsa obiit per monachos sacram ædem curantes scriptis. Vt id habeat, certè vides iam quinto post Christum natum sæculo stetisse Manuascensem Virginem , & in honore magno fuisse , quando anima beatissimæ puellæ in cœlum euolans, sanctiorem locum non habuit, cui corpus integerrimum & incorruptum commissum vellet.

- 11 Virgo autem Manuascensis , vnde templo nomen, statua est Virginis Matris , Christum in sinu ferentis : Simulacrum duos, aut tres palmos altitudine colligit. De ligno leucophæo constat : genus arboris , è quo
 forma

formauerunt , ignoratur ; ita discedit ab omnibus vulgò notis. Vultum , colla, manus saturato nigrore pinxerunt. Quis lignum figurauerit in Virginem : sitne statua Manuascæ ficta, an aliunde in urbem deportata : quâ ætate , quo sæculi anno ad populorum pietatem inclarescere cœperit , tacitum reliquere maiores. Mira tantum quædam posteris narrare ab parentibus accepta, qui ad proavos , atavosque referebant ; portentis non dissimilia , inuenere tamen fidem ab insuetis , & prodigij plenis operibus, quæ nostra ætate contigisse scimus , & nostris ipsi oculis non pauca suspeximus. Visa res est non vltra dissimulanda , neque posteris inuidenda : vt ab iuratis coram Iudice testibus ad me peruenit , ita litteris publicam facio. Tossanctius Glandeuesius , Sistaricensis Episcopus , gente , ingenio , eloquentia , rerum gerendarum peritia summus, pro sua pietate , populorumque cura noluit laborare diuturnitate temporum : iussit frequentissimos & probatissimos ciues ad aperiendam & sacramento sanciendam vocari.

Saraceni post annum septingentesimum Prouinciam depopulati sunt. Quia non parcebant sacris, neque eò deferre licebat , quò furor impune grassantium non pertineret , sancta pignora caueis tumulisve lapideis condita sunt intra humum tota regione, locis ferè ignotis , vt proditoribus caueretur. Qui Deum non verentur , neque ex iure arma inferunt, vt potentissimi sint, & terrorem latè spargant , diu non seruiunt ad similitudinem torrentium aquarum : tenent

hæ agros, & perdunt sata læta, post aliquot autē horas
deficiūt: guttam aquæ desideras, vbi paulò antè fluuij
ampli instar, aut maris fuit. Igitur data ab Saracenis
pace, cū iam agris coloni, vrbibus, pagisq̃ue ciues
redditi essent, quas ab parentibus per bella mortuis
didicerāt, liberi suspirauere sacras exuuias; neque tuta
omnia putauere, si præstites sancti sua spolia non ape-

- ¹³ rirent. S. Annæ corpus demonstrauit Deus Aptæ Iuliæ
per Ioannem filium Baronis Casanouij: muto, claudio,
cæco iuueni nobilissimo redditi sunt sui sensus, mo-
tūsque. Maria Magdalena se videndam præbuit Ca-
rolo II. Comiti, & vbi sua laterent ossa indicauit.
Archiepiscopus Arelatenfis, iubente Romano Ponti-
fice, è Sanuictorianis ad Massiliam rederibus eduxit
plurimas beatorum virorum reliquias: antiquissimum
quippe tota Gallia monasterium; sub Antonino Pio
cœptum ab viris, sanctitate magis, quàm nomine
notis; sub Valentiniano III. in suam claritatem edu-
ctum ab Cassiano; Leonis I. Pontificis, quando tem-
plum vigeat, hospitio augustum, homines profani
per summam impietatem euerterant. Reposuerunt pri-
mū Vicecomites Massilienses, cū Ædem sacram
dedicauit Benedictus IX. Tum pontificia maiestate
dignum opus, quale suspicimus, instaurauit Vrba-
nus V. olim abbas, integritate vitæ clarissimus, &
infinitis post mortem prodigiis. Virginem Manuaf-
censem Deus ostendit nouo, & singulari portento.

- ¹⁴ Incluserant arcæ marmoreæ. Visitur ea etiam nunc
venerandæ antiquitatis egregium monumentum, alta

tres pedes, longa septem, lata duos. Operculo, quàm longum est, extremo superpositam habet tabulam de eodem marmore, latam semipede, altamque, ut altare fuisse non dubites, ex vetesi more cauum, accipiendis sanctorum virorum corporibus cæsis propter verbum Dei. Arcam matetia insignem, arte orationem fecerunt. In anteriore tabula sapiens anaglyptes posuit mediam Crucem, & ad Crucis utrumque latus militem; altera lanceam ille gerit, scutum altera: tum addidit xij. Apostolos, senos ab utraque parte, sed superiores militibus. Petrum agnoscas ex capillitio denso, crispoque, & toto vultu, qualem antiquæ tabulæ pictare ferunt. Pauli faciem, barbam longiorem ac densam, caluitium, orisque ac totius corporis habitum nullus habet: ut mirere trinos tamen utrimque manu tenere antiquum volumen. An Paulum, mortuo Christo, ad fidem vocatum, noluerunt addere morientis imagini; Barnabam autem viventis olim discipulum, & Antiochiæ ab Spiritu sancto Apostolis annumeratum adiungere? Circa annum cccc. ferebatur eius esse illa epistola, quæ utilis Ecclesiæ dicitur ab Hieronymo, & in Scripturis Canonicis ab eodem reponitur *in libro de nominibus Hebræicis*, post Origenem *lib. i. contra Celsum*. Ad Christi læuam stat Petrus, prisco more, locoque honestissimo: sic enim eidem sinistram Virginem ponebant per Orientem, Ioanne Baptista dextero, ut grauis est author Sophronius; & Paulo Petrum Romani, ex peruetustis omnibus signis. Atque cœlo probata sedes est: nam Petrus,

& Paulus Apostoli, ac Dionysius Arcopagita se vi-
dendos Stephano Pontifici præbuerunt: lævus Petro
Paulus erat, Dionysius dexter. Denique multo auro
totas impleuere figuras: nunc quoque radiat in flexi-
bus & rugis vestium. Neque latera arcæ rudia volue-
runt & illaborata: dexterum surgit Adamo, & Eva;
sinistrum tribus pueris in fornace ignem ridentibus.
An docuerunt suis anaglyphis vim in ignes, atque
adeò in cætera corpora; & totam primorum paren-
tum innocentiam redditam ephœbis regiis per singu-
larem ciborum abstinentioniam, victumque de contem-
pto legumine, uti sapienter dixere Basilius, ac Ber-
nardus: quàmque ex cibo vetito diuini Numinis spe-
ciem ducere malefano ausu illi tentauerunt, ab Christi
sanguine, & meliore in crucem arbore collatam in
Apostolos, diuini mandati & auditores & præcones?

16 Aduerto Christi de labaro nomen imposuisse Cruci,
idque laureatum; & superiorem lineam, cui medium
est, illuminasse stellis ad Lunam, & Solem additis.
Fuerunt, qui putarent, Constantini Magni filiorum
temporibus factum opus: ex labaro, stellisque colli-
gere se putabant; & si pro Paulo Barnabas in Aposto-
lis positus volumen manu tenet, profectò non diu post
eam ætatem ab non paucis habitus est author epistolæ
canonicæ. Arcæ sic inclusam Virginem in media ter-
ra, loco cæteris ignoto, posuerunt sacerdotes: neque
enim Mariana vi simulacrum insigne ducebant infe-
rius sanctorum virorum exuviis. Prædas interea rerum
agebant Saraceni, & domos sacras, profanasque ver-
tebant;

rebant ; atque anno sæculi trigesimo Auenione muni-
tissima ; & tum , vt loquitur Fredegarius , montuosa
ciuitate capta , stragem latè dabant tota cis Druentiam
fluuium regione. Vbi Manuascam venere , vt est amœ-
na cultaque sedes , ita populabundi corrumpere totam
cædibus , ac ruinis. Igitur multos annos fuit seges , vbi
steterat magna pars vrbis.

*Ex Anna-
libus Fran-
corum Ful-
denfis.*

Fortè boues agebat arator per campum , quâ hor-
rentes increuerant dumi ; & repentè constiterunt bru-
tæ animantes , neque stimulis , aut verberibus adigi
potuerunt , vt producerent sulcum. Interpretatus agri-
cola timorem ab frequentibus spinis , misit in dumeta
ignem : tum perrexere quidem , sed gradu suspenso
boues , vt venerabundos intelligeres. Atque post ali-
quantum viæ , flexo poplite , capite demisso , pascari-
bus verrere terram , mugitûque moderato cœlum im-
pleuere. Diceres in stabulo Bethlehemitico ad cunas
Domini cognoscere possessorem suum. Admiratio pri-
mùm tenuit aratorem , tum stupor ; atque vbi obsti-
nata hæere iumenta videt , prodigium inclamat. Toto
corpore perhorrescebat homo paganus , & quid face-
ret in re insolita non habebat. Quod potuit , è pro-
pinquo raptim vocauit colonos ; mirantur & ipsi in-
sueti visa. Ab aliis ad alios , vt fit , subitò dimanat ru-
mor ; agricolæ totis mapalibus , ciues vrbe concur-
runt , pueri etiam puellæque factis agminibus ruunt.
Perstabant inter hæc boues immoti , & mugientes , ve-
luti referrent arcam de Accaronitis ad Israëlitas. Quis
populo tum sensus fuit ? hi occlamare miraculum , illi

18

singultu frangente verba pulsare manibus pectora, alij oculis in cœlum elatis Dei potentiam venerari, nonnulli incusare mortalium socordiam: Vult (aiunt) profectò Deus honorem ab bestiis, quem non defert humanum genus: omnibus lacrymæ per genas fluere. Vir fuit sapientia præstans: Quid agimus, (inquit,) ciues, quid agimus? non cespitem venerantur boues: latet magnum quid & cœleste sub terra, ad quam prostrati iacent: non casus eos afflixit, non labor: mugitu docent aperiri debere solum. Vix finierat; ilicet manu, baculo, & si quid aliud occurrit, fodiunt terram. Neque in altum magnopere descenderant, cùm incurrerunt in arcam marmoream. Educitur ea è latebris non minore spectantium plausu, quàm si arca Dei per Ieremiam occlusa referretur ab Hebræis in templum. Sacerdos intereà rerum vocatus adest, arcam aperit, videt Virginem Manuascensem in media repositam cum pretiosa veste, multoque auro. Exultare populus, festam agere diem, templum Virgini excitandum vna voce occinere. Ab spinis, sub quibus laturerat, nomen accepit: dicta est de Romigerio; vulgus appellat romos, quos Latini dumos dixere. Non pudendum Virgini nomen, quando sentibus insidere visus est Moyse Deus, ipsaque de spinis oriri lilium amauit. Igitur eadem voce MARIAM colunt Ebo-
renses in Lusitania, & Herbipolenses in Germania
suppare prodigio repertam in dumis.

- ¹⁹ Auxit honorem & cultum, quod templo exædificato euenit. Putauerunt ædi nouæ nouum signum deberi

beri : atque vt parietes surgebant de quadro lapide, altaria radiabant auro, argentoque, sacerdotes orabant in veste serica, Phrygiâque, ita M A R I Æ ponendam elegantem statuam & pretio grauem ; ligneam illam, neque formosam, & annosam esse ac vilem. Tanta erat hominum iis temporibus simplicitas : quæ, vt in-
crudita sit, ab summa tamen pietate descendebat, & magna sanctarum rerum veneratione. Igitur suam venustam superponunt altari, antiquam aliam pro-
ponunt exterius ad summas templi fores. Probauit
equidem Virgo suorum cultorum ingenium ; sed er-
rorem durare non est passa. Noluit æstimarēt sacra, *au-
ro, aut argento, aut lapide, sculptura artis, aut cogitationis
hominis*; sentirētve pauperum munera Deum abiicere
& in virum modò intendere, qui indutus est veste
purpurea, gazasque porrigit ad altare. Ligneum, perue-
tūque signum per se ad aram de nocte regressum est
clausis foribus. Ædituus rem tacitus manē miratur,
sentitque vim M A R I Æ præsentis : vt populo sua-
deret, reponit super templi porta semel, & iterum,
ac sæpius, defixis omnibus, & ad inauditum singu-
larēque prodigium obstupescantibus, per noctem id
semper ad altare se retulit. Sunt qui dicant, è fano
Martini quò delatum fuerat se retulisse in agrum, vbi
defossū inuenerant, quæ causa fuerit ædificandi
templi. Vtrumque fortassis euenit, vt maiore, vel
scelere, vel socordia in sacrarium nostra ætate detu-
lerit inhonorum sacerdos, vt postea referam, quod
non in fano Martini, non pro foribus templi, sed ad

odæi altare stupendis portentis fuerat constitutum.

²¹ Iam tum ostendebat Virgo placere sibi ad hanc imaginem preces : velle se ad eam Manuascæ orantibus bonam esse ac facilem. Cogitationes ipsius & consilia quis assequatur ? Ita etiam Deus solet : nullo abs loco abest vi sua ; specie tamē hominis per nubem insidēs tabernaculo fœderis, voluit Hierosolymis adorari & omni genere prodigiorū potentiam suam explicare. Nōne Christus ipse, pōtificium os habitūque gerens, Ioanni se colendum proposuit in medio septem candelabrorum aureorum ? Nonne simulacrum de vultu suo posuit in parte vestis Abgaro Regi munus, prodigiis Edessa ciuitate clarissimum ? Atque igitur M A R I A ad exemplum Dei, Filiique, habet vrbes, habet ædes, habet imagines, ad quas iubeat fundi preces, deiici corpora, deferri sibi honorem & cultum : habet per quos prodat vim suam, & dominam vniuersi ac mortalium parentem benigna manu demonstret. Neque Manuascense signum vel tot sæcula syncerum custodisset, vel tot supra naturæ vires operibus honestasset, si non in eo vellet coli, amarique, si non ex eo vellet amatores suos, & cultores sperare remedium.

Et verò, ex quò positum est super altari, diceres abs Deo propositam ad omnes animæ corporisque morbos singularem medicinam. Redeunte ad suam aram Virgine potuit vsurpari, quod de suo in terram aduentu pronuntiauit Christus : *Cæci vident, claudi ambulant, leprosi mundantur, surdi audiunt, mortui resurgunt.*

Virgo Manualcensis.

gunt. Atque ad nostra vsque tempora perdurauit
coepta virtus. Oculos, pedesque cereos, ac subalares
furcillas, aliaque id genus anathemata, è toto muro
circum pendentia vidimus pueri ipsi, ad certissimum
argumentum de Virgine opis acceptæ. Sed duo sunt,
in quibus maximè se præsentem semper osten-
dit, ægritudo mentis, nascentium mors infantium.
Solebant hos ad MARIÆ imaginem deferre; &
fere ad vitam redibant, dum aqua lustrarentur: misso
autem per nasum sanguine, fuis lacrymis, apertis
oculis, voce non rarò etiam elata testabantur se ite-
ratò viuere. Atque vt non dubitares de vi Dei præ-
sentis ad preces Virginis, fuit cum ad redditam in-
fanti vitam æra campana de se, nulloque mortalium
agente personarent. Quis verò ad MARIÆ signum
adiit æger animi, angoreque pressus, ac dolore, aut
acerbitate mentis, qui non ex ea retulerit quitem, so-
latia, gaudium. Igitur ab utroque hoc beneficiorum
genere nomen quoque inuenit, dicta est B. MARIA,
nunc de vita, nunc de consolatione. Sed rem totam
pene corruerat ante xxx. annos nescio cuius sacerdoti-
tis malefana prudentia: sustulerat signum de ara, vt
ab longæua vetustate minùs decorum, & longè ab
oculis populi posuerat in sacrario: nunc ad dexteram
altaris retulère. Cum signo suo recessisse videbatur
Virgo, adeò non respondebat votis suorum ne quid-
quam vim eius implorantium; quòd se in ædem cum
eo reuocauerit, docent quæ in supplices confert
quotidiana beneficia.

24 Vt alia taceam, anno sæculi huius xxxvi. die viii.
 Maij, de superiore domus tabulato in officinã quadro
 lapide stratam decidit puella nondum biennis. Mater
 (Margaritæ Amaronnæ est nomen) toto corpore in-
 horrescit ad lamentabilem casum : Deo sobolem vo-
 uet, sique salua sit repræsentaturam in sudario Vir-
 gini Romigeriæ pollicetur. Rem miram ! multis spe-
 ctantibus infans sine vulnere, sine dolore intacta, at-
 que vti ab parente leniter, blandèque reposita solo
 affunditur. Sed singulare prodigium est, quod nuper
 euenit. Anno xxxiv. supra MDC. mense Maio, Mag-
 dalena Morella nata annos circiter xl. grauitè labo-
 rauit ex paronychia in læuæ manus pollice. Totum
 digitum amburebat cæcus ignis, & per incrementa
 latentia sensim depascebatur ve grandis flâma. Vene-
 num rubore principîo, tum cādore se prodeas carnem
 exusserat maius omni remedio, vngueque circū arroso
 veluti victor se fuderat per totam manum ; iam bra-
 chium occupabat, quàm longum est. Tres chirurgi
 25 medico præside vocati ad cōsiliū, digito manique
 remedium esse negant;ferro gerendam citissimè rem,
 ac brachio consulendum pronuntiant, ne cancer edax
 ad illud ab ea pertineret, in totius corporis certā per-
 niciem. Sed enim verò carnificinam execrata mulier,
 animoque penè defecta, mortem extabe potiorē du-
 cebat; & omnibus domo excedētibus iam sola Romi-
 geræ Virginis opem implorat cum lacrymis, singultu-
 que multo, ac gemitu : ceream manum vouet si redeat
 in pristinam firmitatem pulsa luc. En morior, ait, animi
 corpo

corporisq̃ue cruciamentis laniata: non tam manus cruci deli fero quàm anima rescindetur è corpore. Si mentem afflictam recomponere diceris ad quietem, ô Virgo; si corpus ad vitam animare demortuum; ostende vim nomini respondere, & non appellari te nequidquam à tuis. Non finierat, cùm stetit primùm repente virus, tum manu quoque ac digito cessit; & sensim postea redditæ sunt corpori, animoque suæ vires, stupentibus chirurgis ac medico, & MARIÆ potentiam inclamantibus. Rem, vt retuli, dicto sacramento sanctè affirmarunt illi. Rea voti mulier ceream manum reposuit ad signum Virginis, & scilicet tota viciniæ publicum fecit prodigium, atque nunc etiam grato animo recitare amat. Quid antiquiora referam? ²⁶ Margarita Barterona vidua grandi natu (jii. & lx. annum agit) frequens memorat, se olim vidisse, & alios, & infantem ex vxore Laurentij Camporlij cognati sine motu, sine sensu natum rediisse ad vitam. Supra annos lxxx. (& multi adhuc recitant) Arbarasterio (non ignotæ gentis est nomèn) oritur puer mortuus. Ciuis erat in paucis pius. Ergo & suam, & suæ familiæ sortem queritur, non sine lamentis & eiulatu, quòd & sibi, & Deo mortuam prolem coniux enixa esset. Sæpenumero ab maioribus audierat solitam Virginem Romigeriã dare vitam ita nato foetui, quantum satis esset accipiendo Baptismo, si pater supplex ad eam accessisset. Domo exit populo prosequente, cum bonis precibus, flexoque pro more genu, ad indusium nudus, manu cereum gerens Virgini

aduoluitur. Et ecce tibi anima pueri redit ad corpus
vniuerso templi ære campano per insolens & grande
portentum de se insonante.



DE INVENTIONE
VIRGINIS
ROMIGERIÆ,
EPIGRAMMA.

BOVES VENERATIONE SVA
aperiunt signum Virginis MARIÆ
sub humo positum.

CONDITA marmoreis tabulis, tellure
sepulta,
Atque super dumis obsita Virgo iacet.
Ne terram calcate, viri, ne scindite aratro,
Ne fodite; ah crimen! sæta parente Dei est.
Vos doceant armenta, boues inducite: flectunt
Ecce genu, obnixa cernua in ora cadunt.
Qui videre olim in stabulo, & præsepia ad ipsa,
Paruaque sub pueri membra latere Deum.
Credite nosse ab eo Matrem, memorisque latentem
Marmore, humo, dumis posse videre Dei.
SOLI DEO HONOR, ET GLORIA.



aduoluitur. Et ecce tibi anima pueri redit ad corpus
vniuerso templi ære campano per insolens & grande
portentum de se insonante.



DE INVENTIONE
VIRGINIS
ROMIGERIÆ,
EPIGRAMMA.

BOVES VENERATIONE SVA
aperiunt signum Virginis MARIÆ
sub humo positum.



CONDITA marmoreis tabulis , tellure
sepulta,
Atque super dumis obsita Virgo iacet.
Ne terram calcate, viri, ne scindite aratro,
Ne fodite; ah crimen! facta parente Dei est.
Vos doceant armenta, boues inducite: flectunt
Ecce genu, obnixa cernua in ora cadunt.
Qui videre olim in stabulo, ex præsepia ad ipsa,
Paruaque sub pueri membra latere Deum.
Credite nosse ab eo Matrem, memorésque latentem
Marmore, humo, dumis posse videre Dei.
SOLI DEO HONOR, ET GLORIA.



aduoluitur. Et ecce tibi anima pueri redit ad corpus
vniuerso templi ære campano per insolens & grande
portentum de se insonante.



DE INVENTIONE
VIRGINIS
ROMIGERIÆ,
EPIGRAMMA.

BOVES VENERATIONE SVA
aperiunt signum Virginis MARIÆ
sub humo positum.

CONDITA marmoreis tabulis, tellure
sepulta,
Atque super dumis obsita Virgo iacet.
Ne terram calcate, viri, ne scindite aratro,
Ne fodite; ah crimen! facta parente Dei est.
Vos doceant armenta, boues inducite: flectunt
Ecce genu, obnixi cernua in ora cadunt.
Qui videre olim in stabulo, & præsepia ad ipsa,
Paruaque sub pueri membra latere Deum.
Credite nosse ab eo Matrem, memorésque latentem
Marmore, humo, dumis posse videre Dei.
SOLI DEO HONOR, ET GLORIA.



aduoluitur. Et ecce tibi anima pueri redit ad corpus
vniuerso templi ære campano per insolens & grande
portentum de se insonante.



DE INVENTIONE
VIRGINIS
ROMIGERIÆ,
EPIGRAMMA.

BOVES VENERATIONE SVA
aperiunt signum Virginis MARIÆ
sub humo positum.

CONDITA marmoreis tabulis, tellure
sepulta,
Atque super dumis obsita Virgo iacet.
Ne terram calcate, viri, ne scindite aratro,
Ne fodite; ah crimen! facta parente Dei est.
Vos doceant armenta, boues inducite: flectunt
Ecce genu, obnixa cernua in ora cadunt.
Qui videre olim in stabulo, ex præsepia ad ipsa,
Paruaque sub pueri membra latere Deum.
Credite nosse ab eo Matrem, memoresque latentem
Marmore, humo, dumis posse videre Dei.
SOLI DEO HONOR, ET GLORIA.